



MØTEPROTOKOLL

Organ	Fylkesrådet for eldre
Møtestad	Fylkeshuset Leikanger
Møtedato	29.11.2017
Kl.	10:00 – 15:00

Faste medlemer til stades: Harald Ekroll, Anna Sofia Skaar, Aud Karin Netland, Henrik Oppen

Forfall til møtet: Kristoffer Skjolden

Varamedlemer til stades: Astrid Martinsen

Til stades med møte- og talerett:

Sekretariat for møtet: Anne-Kjersti Stavø Stenehjøm

Ingen merknader til innkalling og sakliste.

Møteprotokoll frå 21. september 2017 vart godkjend utan merknader.

Orienteringar:

Eli Anne Wangen frå fylkesmannen orienterte om pasientbehandling på demensavdelingar, og korleis stoda for dette er i fylket.

Vidar Øvrebø og Cecilie Solvang orienterte om regelverket og organiseringa kring pasientreiser.

Fylgjande skriv vart lagt fram til orientering:

Meldesak 1) Brev frå tenesteleiar for Gaular bygde- og sjukeheim om den offentlege tannhelsetenesta

Tenesteleiar for Gaular bygde- og sjukeheim har sendt inn bekymringsmelding til eldrerådet i Gaular, om tannhelsetenesta for mottakarar av helse- og omsorgsteneste. Sjå vedlegg for detaljar i brevet.

Konklusjon: Fylkesrådet for eldre har tidlegare sendt uttale til fylkestannlegen om bekymring for nedlegging av tannklinikkar.

I saksframlegget til fylkestinget 14. juni 2016, står det m.a. at «*innbyggjarane skal ha likeverdige tenester i høve tilgjenge og kvalitet, og tilbodet skal gjevast med ein effektiv ressursbruk og i tråd med prinsippet om tenester på best eigna omsorgsnivå.*» Under punktet om kva det vert lagt vekt på i den framtidige klinikk- og tenestestrukturen skal oppfylle av krav, står det i eine kulepunktet: «*eit godt samarbeid med kommunane om etablering av undersøkingsrom og enkle behandlingseiningar knytt til kommunehelsetenesta*».

Fylkesrådet for eldre er kjent med at bekymringsmeldinga er handsama i eldrerådet i Gaular, og sendt til fylkestannlegen. Fylkesrådet for eldre har ynskje om informasjon frå fylkestannlegen om korleis tannhelsetenesta fungerer i praksis etter endringa av klinikkstruktur ut mot brukarane, og då spesielt dei eldre og menneske med nedsett funksjonsevne.

Meldesak 2) Eldrerådsdagen 1. oktober i Askvoll

Harald møtte i Askvoll denne dagen, og orienterer om tema som var oppe. Pensjonistlaget og eldrerådet i Askvoll som arrangerte eldredagen. Harald orienterte om arbeidet til fylkesrådet på møte i Askvoll.

Meldesak 3) Høyringsuttale frå fylkesrådet til handlingsplan for trafikktrygging

Fylkesrådet for eldre har sendt inn høyringsuttale til dokumentet handlingsplan for trafikktrygging 2018 – 2021. Sjå vedlegg for detaljar i høyringsuttalen.

Meldesak 4) Orientering frå Helse – og omsorgsdepartementet om aldersgrense for kreftbehandling

Departementet informerer om at det generelt ikkje er noko aldersgrense for kreftbehandling. Behandlinga skal vere basert på ei individuell vurdering i kvart enkelt tilfelle og fastsettast i dialog med pasienten. Sjå vedlegg for meir informasjon.

Konklusjon: Aud Karin tek med seg denne informasjonen til brukarutvalet i Helse Førde.

Meldesak 5) Rutekjøp og rutetilbod 2018

Hovudutval for samferdsle vedtok i møte 24. oktober rutetilbod for 2018. Rutekjøpssaka omhandla mellom anna:

- Innspel frå kommunar og andre interesserte
- Administrative endringar
- Vidareutvikling av kollektivtilbodet
- Takst for ferje, båt og buss i 2018

For å få ei fullstendig oversikt over saka kan de gå inn på Sogn og Fjordane fylkeskommune sine nettsider og lese saka. Saksprotokollen finn de som vedlegg i dette saksframlegget.

Meldesak 6) Retningslinjer for serviceskyss og TT-ordninga i Sogn og Fjordane

Hovudutval for samferdsle vedtok i møte 24. oktober 2017 nye retningslinjer for både serviceskyssen i Sogn og Fjordane, og TT - ordninga i Sogn og Fjordane. Dei nye retningslinjene er gjeldande frå 1. januar 2018.

I løpet av veke 49 og 50 skal samferdsleavdelinga ha møte med dei tilsette i kommunane som jobbar med desse to ordningane, for å informere og få til eit tettare samarbeid med kommunane om ordningane.

Oppdaterte retningslinjer for serviceskyss og TT - ordninga finn de som vedlegg i dette saksframlegget.

Konklusjon: Fylkesrådet registrer at vi ikkje har fått retningslinjene på høyring, og ved seinare høve ynskjer fylkesrådet å få tilsvarende saker til høyring. Med bakgrunn i dei reviderte retningslinjene, oppmodar fylkesrådet at dei kommunale råda set seg inn i dei reviderte retningslinjene for serviceskyss og TT-ordninga.

Meldesak 7) Vestlandskonferansen 7. – 8. mai 2018

Rogaland har meldt inn fylgjande tema til konferansen:

- Saker til landskonferansen
- Organisering av samarbeidet på Vestlandet i framtida
- Høyringa av eldrelova (forskrift om råd for eldre, unge, funksjonshemma)

Konklusjon: Sogn og Fjordane har ynskje om å ha måltid og kosthald som eit tema, i tillegg til forslaga som er kome inn. Skisse for program bør vere klart til 6. februar.

Fylkesrådet for eldre har møte i samband med Vestlandskonferansen, 7. mai kl. 09.00 – 11.30.

Meldesak 8) Ymse

- Budsjett for 2018 – utifrå planlagt aktivitet, ser det som at kan kome litt over budsjettet
- Årsmelding for 2017. Sekretær sender ut forslag til utkast til medlemmane i fylkesrådet ved nyttår, og medlemmane kjem med innspel. Årsmeldinga vert vedteken på møte 6. februar 2018.
- Informasjon frå Harald:
 - Lesarinnlegg frå Eid eldreråd om at det er viktig at dei eldre må kjenne seg trygge
 - Høyringsnotat som eldrerådet i Stryn har hatt til orientering, om forslag til endring av forskrift om habilitering og rehabilitering, individuell plan og koordinator §3. Forslaget til endringa i forskrifta er sendt ut frå Helse- og omsorgsdepartementet
 - Revmatologi i Helse Vest, regional plan 2017 - 2023

SAK 12/17 Møtedatoar 2018 - fylkesrådet for eldre

Frå sekretariat låg det føre slik tilråding til vedtak:

Møteplan vert vedteken slik den ligg føre:

6. februar
7. mai
11. september
13. november

Avrøysting:

Samrøystes

Dette gir følgjande VEDTAK:

Møteplan vert vedteken slik den ligg føre:

6. februar
7. mai
11. september
13. november

SAK 13/17 Høyring planprogram regional plan for kultur - fylkesrådet for eldre

Uttale frå fylkesrådet for eldre vert skrive i møte 29. november 2017

Endringsframlegg:

Fylkesrådet for eldre har følgjande uttale til planprogrammet for regional plan for kultur:

- Det er viktig med medverknad i planarbeidet, der frivillige og brukarane vert involvert
- Det bør vere samarbeid med institusjonane i samband med planlegging og gjennomføring av kulturtiltak. Vi tenker då spesielt samarbeid med helse- og omsorgsinstitusjonar
- Planarbeidet bør sjåast i samanheng med den regionale planen for folkehelse
- Det er viktig å bygge opp, og støtte opp under ulike kulturarenaer og møteplassar rundt om i fylket
- Det er bra at biblioteka er nemnd i denne samanhengen, sidan dette er møteplassar rundt om i kommunane, for alle aldersgrupper. Vi ser det som positivt at dette er møteplasser på tvers av alders- og brukargrupper

- Den kulturelle spaserstokken er ikkje teke med under oversikta for dei nasjonale føringane, men vi reknar med at dette er ordning som held fram

Avrøysting:

Samrøystes

Dette gir følgjande VEDTAK:

Fylkesrådet for eldre har følgjande uttale til planprogrammet for regional plan for kultur:

- Det er viktig med medverknad i planarbeidet, der frivillige og brukarane vert involvert
- Det bør vere samarbeid med institusjonane i samband med planlegging og gjennomføring av kulturtiltak. Vi tenker då spesielt samarbeid med helse- og omsorgsinstitusjonar
- Planarbeidet bør sjåast i samanheng med den regionale planen for folkehelse
- Det er viktig å bygge opp, og støtte opp under ulike kulturarenaer og møteplassar rundt om i fylket
- Det er bra at biblioteka er nemnd i denne samanhengen, sidan dette er møteplassar rundt om i kommunane, for alle aldersgrupper. Vi ser det som positivt at dette er møteplasser på tvers av alders- og brukargrupper
- Den kulturelle spaserstokken er ikkje teke med under oversikta for dei nasjonale føringane, men vi reknar med at dette er ordning som held fram

SAK 14/17 Skriv og melding 29. november 2017 - fylkesrådet for eldre

Frå sekretariat låg det føre slik tilråding til vedtak:

Tilråding til vedtak:

1. Fylkesrådet for eldre tek skriv og meldingar til vitande
2. Fylkesrådet for eldre sine uttalar og kommentarar til kvart einskild skriv og melding, vert lagt under kvar meldesak

Avrøysting:

Samrøystes

Dette gir følgjande VEDTAK:

Tilråding til vedtak:

1. Fylkesrådet for eldre tek skriv og meldingar til vitande
 2. Fylkesrådet for eldre sine uttalar og kommentarar til kvart einskild skriv og melding, vert lagt under kvar meldesak
-

